



Broj:01/5-02-422-1/24
Sarajevo, 22. 4. 2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

| Primljeno: 22-04-2024 | | | |
|-----------------------|------|---------|------------|
| Org. jed. | Broj | Priloga | Vrijednost |
| | | | |

PREDSTAVNIČKOM DOMU

Komisija za sigurnost Predstavničkog doma Parlamenta Federacije Bosne i Hercegovine (u daljem tekstu: Komisija) održala je nastavak 7. sjednice u ponedjeljak, 22. 4. 2024. godine, kojoj je prisustvovao sedam (7) članova Komisije, tako da su ispunjeni uslovi za punovažan rad u pogledu kvoruma i odlučivanja. Prema jednoglasno utvrđenom dnevnom redu, Komisija je razmatrala: Ad-4 Informacija o stanju sigurnosti na području Federacije BiH i Ad-5 Tekuća pitanja.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-4 Informacija o stanju sigurnosti na području Federacije BiH

Nakod usmenog izlaganja Federalnog ministra unutrašnjih poslova Rame Isaka i predstavnice Federalne uprave policije Sanele Fazlić-Kulovac po dostavljenoj Informaciji Kolegija Predstavničkog doma Parlamenta FBiH broj: 01-02-819/24 od 8. 4. 2024.godine, - *Informacija o stanju sigurnosti na području Federacije BiH* te sveobuhvatne rasprave, Komisija je većinom glasova- šest (6) za i (1) jednim suzdržanim donijela sljedeći:

ZAKLJUČAK

Komisija predlaže Predstavničkom domu Parlamenta Federacije Bosne i Hercegovine da se tačka: *Informacija o stanju sigurnosti na području Federacije BiH* skine s dnevnog reda nastavka 10. redovne sjednice Predstavničkog doma Parlamenta F BiH.

Ad-5 Tekuća pitanja

Članovi Komisije jednoglasno su prihvatili prijedlog predsjednika Komisije da se razmotri Nacrt zaključaka s Tematske sjednice o institucionalnom odgovoru na nasilje u porodici i nasilje nad ženama, koju su organizovale Komisija za jednakopravnost spolova oba doma Parlamenta FBiH, Komisija za sigurnost Predstavničkog doma i Komisija za ljudska prava i slobode Doma naroda Parlamenta FBiH, uz podršku Misije OSCE-a u BiH.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Nakon sveobuhvatne rasprave Komisija je jednoglasno donijela sljedeći:

ZAKLJUČAK

Komisija prihvata zaključke s Tematske sjednice o institucionalnom odgovoru na nasilje u porodici i nasilje nad ženama, kako slijede:

1. Zadužuje se Gender centar Federacije BiH, kao savjetodavno tijelo Vlade FBiH i koordinator Koordinacionog tima za praćenje implementacije preporuka Komiteta potpisnica Konvencije Vijeća Evrope o sprečavanju i borbi protiv nasilja nad ženama i nasilja u porodici i Komiteta eksperata GREVIO u Federaciji BiH, da pripremi pregled preporuka sa ciljem informisanja predstavnika i delegata u Parlamentu Federacije BiH o obavezama i smjernicama za djelovanje u otklanjanju sistemskih nedostataka u sprečavanju i borbi protiv nasilja u porodici. Gender centar Vlade FBiH se zadužuje za redovno godišnje izvještavanje Parlamenta FBiH o postignutom napretku u primjeni ovih preporuka u FBiH.
Rok: kraj aprila 2024.
2. Preporučuje se hitno usvajanje Strategije za prevenciju i sprječavanje nasilja u porodici 2024- 2027. godine u Federaciji Bosne i Hercegovine kao krovnog strateškog dokumenta za jačanje institucionalnog odgovora na nasilje u porodici i nasilje nad ženama od strane Parlamenta FBiH.
Rok: april/maj 2024.
3. Zahtjeva se hitna izrada i usvajanje pravnog okvira za sprječavanje nasilja u porodici i nasilja nad ženama koji podrazumjeva Zakon o zaštiti od nasilja u porodici, Krivični zakon i Zakon o krivičnom postupku FBiH usaglašenog sa Konvencijom Vijeća Evrope o zaštiti djece od seksualnog iskorištavanja i seksualnog zlostavljanja (Lanzarote konvencijom), i Konvencijom Vijeća Evrope o sprečavanju i borbi protiv nasilja nad ženama i nasilja u porodici (Istanbulska konvencija) te preporukama Komiteta potpisnica Istanbulske konvencije i Komiteta eksperata GREVIO.
Rok: juni 2024.
4. Zadužuje se Gender centar Vlade FBiH za uspostavljanje polugodišnje koordinacije domaćih i međunarodnih institucija i organizacije u vezi sa aktivnostima na provođenju Strategije za prevenciju i sprječavanje nasilja u porodici 2024- 2027., te preporuka Komiteta potpisnica Istanbulske konvencije i preporuka Komiteta eksperata GREVIO u Federaciji BiH.
Rok: do kraja 2024.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

5. Usvaja se prijedlog za održavanjem dvije zajedničke tematske sjednice četiri komisije Parlamenta Federacije (Komisija za jednakopravnost spolova oba Doma, Komisije za sigurnost Zastupničkog doma i Komisije za ljudska prava i slobode Doma naroda Parlamenta Federacije BiH) u 2024. godini sa fokusom na:
- pravosudni odgovor na slučajeve nasilja u porodici, uključujući odgovor policije, kao i izricanje, praćenje i provođenje mjera usmjerenih na počinioca nasilja u porodici sa ciljem sprečavanja ponavljanja djela nasilja,
 - pružanje sveobuhvatne podrške žrtvama nasilja u porodici uključujući posebno ranjive kategorije žena (Romkinje, migrantkinje, žene sa invaliditetom)

Rok: do kraja 2024.

U skladu sa članom 53. Poslovnika Predstavničkog doma za izvjestioca je određen Dragan Mioković, predsjednik Komisije.

PREDSJEDNIK KOMISIJE
Dragan Mioković, s.r.